



www.BibleForChildren.org



योहान 14



"तुमाआं मोन दुखी ने ओवुहूं जोवे; देवोपोअ विश्वास मिका आन मापोअ बी विश्वास मिका. माआं आब्हाअ कोअमेहें जाअखीलुहू रोअलाआ जागू होये, जर ने रोतू ताहां आंय तुमुहूं कोत देतु; काहाके आंय तुमाआं काजे जागू तियार कोउ जाहो. आन जर आंय जात कोइत जागू तियार कोअहीं, ताहां फाशुउ आवित कोइत तुमुहूं माआं जागे लेत जाहीं के जिहीं आंय रोहीं तिहीं तुमू बी रोहा."




आंय तुमाआ पाही योहान होय, आन ईसूउ तारास, राज्य आन
धिरोमेहें तुमाआं हेंगात्यू, देवोअ वसन आन ईसूउ बाप्तिमेहें
साक्षी आपीइलाअ वाअहीं आंय पतमुस

नावोअ बेटोपोअ ओतु.



तुरतूज आंय आत्मामेहें पोआइत गोयु, आंय पाल्यो, के होरगामेहें एक राजगादी मिक्कीही आन तियापोअ कोडो तेवी बोहीत रोयोहो.




फाशोअ आंय होरगामेहें, धरतीपोअ, धरतीइ निसे आन दोऱ्यामेऱ्याआ
हारेक जिवोहो एहें कोत्लाहा उनाअयु, "जो राजगादीपोअ बोठुहू
तियाहा आन मेडाहा वोडाय आन मानपान,
महिमा आन सेक्ती
हादाजलम रोअहूं जोवे!"




ताहां आंय सोको होयर, नोवा येरुसालेमोहों देवोअ जागे जुगोमेहें रोट
उतरीइत्लाहा देख्यो, तों वोरोअ काजे हिंगरावल्पी वोडली जेहें
होबाडल्यो ओतो. ताहां आंय राजगादीइहीं रोट निहींल्या एका
आवाजोहो उनाअयू, "पाला, देवोअ वोहती माअहोंअ विसमेहें होय. तो
तियांआं विसमेहें रोय, आन तें तियाआ माहें बोणे आन देव सोताहा


तियांआं
विसमेहें रोट
कोइत तियांआं
देव बोणे."



तिहींइं फासाड़ी देवदुत माहूं किमती डोणोअ होस जिवनोअ पाअयोंअ
खाड देखाड़्यी, जे देवोअ आन मेडाअ राजगादीइ जागे रोट वोहतीते.



तिया होयरोहो दिहोअ आन सांदोअ उजालाअ गरज कायनाहां,
काहाके देवोअ महिमा तियाआ उजालो आन मेडू तियाआ दिवू होय.




पोन तिया होयरोमेहें ने कोड्लीज एठी वस्तु फोहीत सेकनारी आन ने खाराब कामे कोअनारो आन ठोगनारो फोहीत सेकनारो. पोन तेंज फोहीत सेकनारे, जियांआं नावे जिवनोअ पुस्तकोमेहें लेखाअयेहे.




"तो तियांआं डोआमेन्येए आकखे रोज्ये नुसीत टाके; आन तिहींइं फासाड़ी ने मोत रोय, ने रोड़ीइलोअ, ने विखु, आन ने दुख, काहाके जुनी गोठी निहींत गोयीही."




तिहीं रोत तिया होयरोम हारापोअ जोगोहो किज ने रोय, आन तिया
होयरोम देवोअ आन मेडाअ राजगादी रोय. तियाआ सेवक तियाआ
आराधना कोए. तें तियाहा आमने सामने पाले, आन तियाअ नाव
तियांआं निँडाअ पोअ लेखल्यो रोय.



आन आंय हाना-वोडा आक्खा मोल्याहां राजगादीइ सामने उबे रोल्ये देख्ये, आन पुस्तक उगाड्यो; ताहां फाशोअ एक बिहीरो पुस्तक, तो जिवनोअ पुस्तक होय, उगाड्यो; तियां पुस्तकोम लेखाअली गोठीइ परमाणे तियां मोल्या माअहोंअ कामोअ न्यायनिवाडू ओवू. आन जियांआं नावे जिवनोअ पुस्तकोमेहें ने सापड्ये, तियांहां आगीइ दोन्यामेहें टाकी देदे.



आत्मा आन वोडली बेनू कोतेहे, "आव!" जो उनाअहे, तो उत्तर आपे,
"आवा!" जों तिहील्यो होय तों आवे, आन जियाहा जोवे तों
जिवनोअ पाई फुकट लेत जाय.



काहाके देवे दुन्यापोअ एतीही मेर कोअयी के,
तिये तियाआ एखलू बेटुहू आपी देदू, एताआ
काजे के जो कोडो तियापोअ विश्वास मिके, तो
ने आरवाअहूं जोवे, पोन तियाहा
हादाजल्म्योंअ जिवन
जोडुहू जोवे.



रोम 3:23 काहाके आखाज पाप कोअयुह, आन देवोअ महिमा रोत सेटे ओत गोयेहे.

रोम 6:23 काहाके पापोअ मोजरी ते मोत होय, पोअ देवोअ वरदान आपाआ प्रभु ख्रिस्त ईसुमेहें हादाफल्योअ जिवन होय.

इब्री 9:27 आन जेहलोहो मोनवीइ एकुज वारी मोइलो तिहींरोत न्यायनिवाडु ठरवीत मिक्युह.

इफिस 2:8,9 काहाके देवोअ मेरवानी वाअहींज विश्वासोअ वाखरी तुमू वासाअयेहे; आन ओं तुमा वाअहीं नाहां ओवो, पोअ देवोअ भेट होय, आन ओं नाहां आपाआ कामों वाअहीं, एहलोहो ने ओवुहूं जोवे के एखु वोडाय कोए.

रोम 10:9,10 काहाके जर तू ताआ सोबी वाअहीं ईसु प्रभु होय कोत कबुल कोअही आन देवे तियाहा मोल्या मेहें रोत जिवाइयुह एहेलुहू विश्वास कोअही, ताहां तू हुदाअलीज वासात जाही.



जों मोनोवाअहीं विश्वास कोअहे तों धर्मी ठरेहे, आन जों सोबी वाअहीं कबुल कोअहे तियाहा तारण जोड़ेहे.

योहान 3:16,17 काहाके देवे दुन्यापोअ एतीही मेर कोअयी के, तिये तियाआ एखलू बेटुहू आपी देदू, एताआ काजे के जो कोडो तियापोअ विश्वास मिके, तो ने आरवाअहूं जोवे, पोन तियाहा हादाजल्म्योंअ जिवन जोड़ुहू जोवे. देवे तियाआ बेटाहहाहा दुन्यामेहें याअ काजे नाहां मोकल्यू, के दुन्याआ न्याय निवाड़ू कोए, पोन तियाहा याअकाजे मोकल्यू के दुन्याआ तारण ओवुहूं जोवे.

1 योहान 5:11-13 आन ते साक्शी ए होय के, देवे आपुहूं अमर जिवन आप्योहो आन ओं जिवन तियाआ बेटाहहाम होय. जियाहा देवोअ बेटुहू जोड़्युहू तियाहा जिवन जोड़्योहो; आन जियाहा देवोअ बेटुहू ने जोड़्यु तियाहा जिवन ने जोड़्यो. देवोअ बेटाहहाअ नावोपोअ विश्वास मिकनारा तुमापोअ अमर जिवन होय, ओं तुमुहूं समजाअहूं जोवे कोत आंय तुमुहूं ओं लेखोहो.



योहान 14; 2 आपाआ होरगामेच्योअ कोअ 5;
प्रगटी 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Noiri-Bhil Bible (noi) ©The Word For The World
International and Noiri-Bhil Translation Samiti, Dhadgaon,
Maharashtra, India, 2025.

©2026 Bible for Children, Inc.

www.M1914.org

www.bibleforchildren.org

